

立杜賣盡根水田契字大甲街人莊錦霞即莊玉淇全侄恭犁恭某允居等有承祖父遺下荒埔壹所業已開築成田土名址在下大安庄前東至郡迺田爲界西至李家田爲界南至小溪爲界北至大溪爲界經前官丈下田四分歷年配納大租粟叁斗原帶大安溪圳水通流灌溉充足今因乏銀別用願將此水田出賣盡根先問房親人等暨不欲承受外託中引就與鐵砧山腳庄人許其琛出首承買當日全中三面言定時值杜賣盡根田價銀叁拾捌員正銀即日全中親收足訖隨將此水田以及園埔曠地溝路踏明界址交付買主前去掌管收租納課永爲己業自此一賣終休寸土不留日後子孫不敢言湊贖亦不敢異言藉端滋事保此水田係玉淇全侄恭犁恭某允居等承祖父遺下開荒之物業與別房親人等無干亦無重張典掛他人財物及無受情許可與人開築水路并無來歷交加不明爲礙等情如有此情玉淇全侄恭犁恭某允居等出首抵當不干買主之事此係二比甘愿各無反悔恐口無憑今欲有憑立杜賣盡根水田契字壹紙并上手番漢契捌紙合共九紙付執爲昭

即日全中親收過杜賣盡根契字內田價銀叁拾捌員正足訖再昭

批明文單帶連合丈之業難以分析即日議交莊錦霞收存如有要用理應取出不得刁難聲明又昭

代筆人陳玉昌 (花押)

在場知見莊林氏 (花押)

爲中人莊媽得 (花押)

陳朝火 (花押)

恭犁 (花押)

明治叁拾貳年陸月

日立杜賣盡根水田契字大甲街人莊

錦霞即

全侄莊

恭某 (花押)

玉淇 (花押)

允居 (花押)